

## TILMAAMAH A BUUXINTA DHIBCAHA CAMALKA LA-QABSIGA EE ICAP/SIB-R

Qaybta camalka la-qabsigu waxay qiimeysaa farsamooyinka nolol maalmeedka codsadaha iyo ogaanshaha codsaduhu og yahay goorta la rabo inuu isticmaalo farsamooyinkaa. Hadafku waa si sawir looga qaato awoodda qofka. Waxa laga yaaba in dhibcaha camalka la-qabsiga codsaduhu ay yar yihiin ama xad leeyihii haddii aanuu awood aqoneed ama ogaansho u lahayn wakhtiga ku haboon qabashada farsamo iyadoo oo aan la weydiin ama si celcelis ah loo xusuusin.

### Gargaar ama maamuul la'aan ayuu si buuxda u qabtaa (ama u qaban karaa) hawsha

*Si buuxda ayuu hawsha u qabtaa macnaheedu waa dhamaan hawsha. Su'aalaha camalka la-qabsida ee ICAP qaarkood waxay ka kooban yihiin in ka badan hal qayb. Haddii macmiilku uu si wacan u qabto qayb hawsha ah, laakiin uu qayb kale si aan aad u fiicnayn u qabto, hawsha ku qiiimee in loo qabtay si aan aad u fiicnayn.*

*Wuu sameyn karaa. Waxa dhici karta in marrar dhif ah uu codsaduhu xafiday ama badh ahaan xafiday sida loo qabto hawl laakiin aanuu helin fursad uu ku qabto. Waxa laga yaabaa in qabashada hawshu tahay mid aan la heli karin, mid ka soo horjeeda xeerarka, ama waxa laga yaabaa inuu "qof kale ku shaqo leeyahay." Marka ay sidaa oo kale tahay qiyas sida uu macmiilka hawsha u qaban karo, imminka, iyada oo aan la siin tababar, gargaar ama maamulid dheeraad ah, haddii la siiyo fursad.*

*Gargaar ama maamulid la'aan. Taa macnaheedu waxa weeye in codsaduhu uu si madax-banaan u qabto hawsha. Waxa la aqbali karaa u-sheegid ama xusuusin marmar ah. Hase yeeshee weydiinta lagu celceliyo, ama u-sheegidda ama xusuusinta talaabo talaabada ah waxa laga soo qaadayaa gargaar ama maamulid.*

Marka la eego gudaha afarta waaxood ee camalka la-qabsiga ICAP, waxa su'aalaha loo yeellay nidaam eegaya celceliska adkaanta kaasoo ka bilaabmaya heer caruur yar ilaa qof weyn oo bislaaday. Su'aal kasta waxa lagu bixiyaa dhibco ah min 0 ilaa 3 taasoo ku xidhan awoodda codsaduhu uu hawsha ku qaban karo isaga oo aan helin gargaar ama maamulid.

**Si aad u wacan buu u qabtaa.** Taasi waxay muujinaysaa hawl uu qofku kaligii qabtay isagoo haysta madax-banaani buuxda. Waxa dhici karta in codsaduhu uu si buuxda u xafiday qabashada hawsha ama aanu hadda qabanba sababtoo ah aad bay ugu fududahay (tusaale ahaan, waxa uu caadi ahaan wax ku cunaa fargeeto halkii uu qaado wax ku cuni lahaa; caadi ahaan wuu socdaa, ee ma gurguruto). Macmiilku waxa uu qabtaa dhamaan qaybaha hawsha isaga oo aan helin gargaar ama maamulid.

**Marwalba ama badi marwalba - iyadoon la weydiin.** *Marwalba* macnaheedu waxa weeye mar kasta oo ay qabashadu haboon tahay. *Iyadoon la weydiin* macnaheedu waxa weeye inaanu jirin waxa ka badan xusuusin marmar ah. Waa in codsaduhu leeyahay farsamada hawsha *waana* inuu yaqaano goorta la isticmaalo, marka la eego xeerarka bulshada ee caadiga ah. Dhib malaha haddii macmiilku uu si haboon oggalaansho u weydiisto ka hor intaanu bilaabin hawsha.

**Si aan aad wacnayn buu u qabtaa.** Waxay taasi muujinaysaa in codsaduhu dhamaan qaybaha hawl u qabto si caqli-gal ahaan wacan isaga oo aan helin gargaar ama maamulid.

**Ama  $\frac{3}{4}$  wakhtiga – waxa uu u baahan yahay in la weydiyo.** Waxa taa loo macnayn karaa in hawsha loo qabtay si aan aad u wacnayn, oo la mid ah in wakhtiga  $\frac{3}{4}$  ahaantii hawsha si wacan loo qabtay, ama in wakhtiga  $\frac{3}{4}$  ahaantii la qabtay hawsha iyada oo aan la helin gargaar ama maamulid. Dhib malaha haddii uu codsaduhu u baahan yahay in la weydiyo ama la xusuusyo inuu bilaabo hawsha.

**Wuu qabtaa, laakiin si wacan uma qabto.** Waxay taasi tilmaamaysaa in codsaduhu marmarka qaarkood qabto ama isku dayo dhamaan qaybaha shaqada isaga oo aan helin gargaar ama maamulid, laakin in natijadu tahay mid aan fiicnayn.

**Ama  $\frac{1}{4}$  wakhtiga – waxa laga yaabaa inuu u baahan yahay in la weydiyo.** Waxa taa loo macnayn karaa in hawsha la qabto laakiin aan si wacan loo qaban, taasoo la mid ah in si wacan loo qabto  $\frac{1}{4}$  wakhtiga, ama in la qabto gargaar ama maamulid la'aan  $\frac{1}{4}$  wakhtiga. Dhib malaha haddii uu codsaduhu u baahan yahay in la weydiyo ama la xusuusyo inuu bilaabo hawsha.

**Marna ama waa dhif.** Taasi waxay tilmaamaysaa in hawshu aad ugu adag tahay, in codsadaha aan loo oggalayn inuu qabto hawsha sababta oo ah amaan uma aha, ama in macmiilku aanu marna qaban qaybaha hawsha ama dhif tahay inuu qabto.

**Xiitaa haddii la weydiyo.** Marna si wacan uma qabto, xiitaa haddii la weydiyo ama loo sheego.

### **Intee bay le'eeg tahay macnaha "wacan"?"**

Waxa ICAP heer cabbir looga dhigay 1,764 oo ay heleen dad aan naafo lahayn oo isugu jiray ilmo da'doodu ka yar tahay saddex bilood ilaa dad waaweyn oo qaangaadh ah. Waalidku waxay isticmaaleen dhibcaha qiimeyn ta ICAP ee kor lagu sharaxay si ay u qiimeeyaan caruurtooda (isla markaana dadka waaweyni waxay u isticmaaleen si ay isu qiimeyaan) iyadoo su'aal kasta oo ICAP ay qiimeyn ku jirto. Waxay hawshu u ahayd mid aad u fudud oon dhib lahayn. Lama siin, mana ay weydiisan, war dheeraad ah oo ku saabsan su'aal kasta.

Su'aalaha ku jira imtixaanka camaka la-qabsiga ee ICAP waxay u nidaamsan yihii da' korniin. Markii la go'aaminayay inta ay le'eeg tahay wacnaanta hawl loo qabtay, waalidku waxay ka tusaale qaateen caruurta ay isku da'da yihii caruurtooda iyo hawlo maalmeedkooda taasoo laga dhigayay xaaladaha la eegayo si loo qiimeeyo heerka guusha. Tusaale ahaan, bal eeg hawsha ka kooban *Waxa uu maqas wax ku jaraa isagoo raacaya xariiq buuran oo toosan*. Taasi waa farsamo caadi u ah ilmo jira 3 sannadood. **Intee bay le'eeg tahay buurnaanta xariiq? Intee bay le'eeg tahay toosnaantu?** Bal iska soo qaad inaad tahay waalid, eegaya hawl u qabanayo ilmo aan gaadhin da'da dugsiga. Waxa laga yaabaa in xariiq buurani tahay xariiq lagu sameeyay qalinka calaamadeyn. Sidoo kale waxa laga yaabaa in goyn toosani tahay ta aan ka bixin gudaha hal-sideedaadka xariiq.

Haddii dhibaato kaa haysto macnaha ereyada *fudud, nadiif*, ama *haboon*, is weydi tan: Waa maxay heerka korniin maskaxeed ee qiyas ahaan hawshani ku haboon tahay marka laga hadlayo dadka aan naafada lahayn? Maxaa uu yahay heerka guuleysi ee qof waalid ama macallin ah uu ilmaha da'daa ah siin lahaa?

Intee bay le'eeg tahay nadiifsanaanta qol nadiif ah? Waalidka leh ilmo jira 11 – 15 waxay ilmahooda ka filayaan inay bilaabaan inay la wareegaan waajibaadkaa. Maxaa uu ka fikirayaa waalidka leh ilmo caadi ah marka uu leeyahay "wuu qabtaa, laakiin si wacan uma qabto," ama "si aad u wacan buu u qabtaa"?

Dhibaato ayaa timaada marmarka qaarkood marka la qiimeynayo dadka waaweyn ee leh naafo maskaxeed ama jidh sababta oo ah waxa laga yaabaa in xaaladdooda camal ay ka duwan tahay xaaladda caadiga ah. Si kasta ha ahaatee, waa in heerka guushu noqdo sidii aniga oo ku jira kooxda heer-sameyn.

### **Kala soocidda camalka la-qabsiga leh, la-qabsi la'aanta, iyo camalka aan lahayn wada-shaqeyn.**

Haddii uu jiro faraq u dhixeyya tayada hawl-qabadka codsade (tusaale ahaan marwalba ama badi marwalba si wacan buu hawsha u qabtaa) iyo inta jeer ee hawsha la qabtay (tusaale ahaan  $\frac{3}{4}$  wakhtiga), waa in dhibcuuhu ku saleysan yihii ugu horeyn tayada hawl-qabadka. Qaybta imtixaanka camalka la-qabsiga ee ICAP waxay xoogga saareysaa kartida. Haddii qof daallan, xanaaqsan ama fudud uu marmarka qaarkood diido inuu hawl qabto waxa laga yaabaa iyadoo taasi jirto in haddana loo qoro *Si wacan buu u qabtaa iyada oo aan la weydiin* haddii farsamadu tahay mid uu awoodi karo badanaana uu si wacan u qabto. Haddii diidmadu tahay mid joogto ah laakiin ay khuseyso kaliya dhawr hawlo la-qabsi oo gaar ah, waxay taasi ugu badnaan yareyn kartaa qiimeyn la-qabsiga hal dhobic marka la eegayo su'aalahaa gaarka ah. Marka taasi jirto waxay noqonaysaa inaan wada-shaqeyn la'aanta lagu qiimeyn inay tahay dhibaato camal.

Camalka qas ku rida hawlo maalmeedka codsadaha ama hawlahu dadka ka ag dhow waa in lagu qiimeeyo inay yihii dhibaatooyin camal, ee *aan* lagu qiimeyn inay yihii la'aant camal la-qabsi. Diidmada uu macmiilku diido in uu qabto hawlahu lagama-marmaanka ah, taasoo marmarka qaarkood la yidhaahdo qabasho la'aan ka timi camalka la-shaqeyn la'aanta, waxa lagu diiwaangalin karaa qaybta camalka ee ICAP haddii diidmado ay tahay mid keenaysa dhibaato joogto ah oo ku fidsan farsamooyin la-qabsi oo badan. Marka tan la eego waa inaan la-shaqeyn la'aanta codsaduhu aanay noqon mid dhibco looga goosto xagga camalka la-qabsiga, waxana ay tahay in lagu dhibco siiyo sida ay tahay kartidiisu halkii laga eegi lahaa la-shaqeynta.

## Fikrado Kale

### Awood-darida jidhka

Haddii codsaduhu uu leeyahay naafu jidh oo ka horjoogsanaysa inuu qabto hawl gargaar la'aan, xiitaa haddii uu maskax ahaan awoodi karo, waa in hawsha lagu qiimeeyo "marna ama waa dhif" (ama suurogal ahaan heer u dhixeyya). Waa inaan codsadaha lagu ganaixin laguna abaalmarin sababta oo ah naafada. Tusaale ahaan qof saaran kursiga curyaanka waxa dhici karta in dhibic lagu siyo hawsha ay ka mid tahay *Waa uu hinjiyaa qaadaana bac buuxda oo ah adeeg dukaan*, taasoo ku xidhan haddii uu taa si madax-banaa u sameyn k aro.

### Isticmaalka Qalabka La-qabsiga

Haddii uu codsaduhu si madax-banaan u isticmaali karo qalabkiisa la-qabsiga, taasoo ah waxa uu gargaar la'aan isticmaalaan qalabka la-qabsiga, sida dhabta ah ee hawsha loo qabtay ayaad dhibic ku bixinaysaa. Haddii qofku xidho muraadayaha indhaha, sidee buu wax ugu arkaa muraayadaha? Sidee buu ugu socdaa bakooradiisa? Sidee buu wax ugu cunaa qaadada, xiitaa haddii qaadadu tahay mid wax laga beddelay?

### Daweynta

Ka soo qaad dawooyinku inay la mid yihii qalabka la-qabsiga, sida muraayadaha indhaha ama gargaarka maqalka. Sidee buu codsaduhu hawsha u qabtaa marka uu gargaar ka helo dawadiisa?

### Habab isgaadhsiin oo beddelaad ah

Isticmaalka afka calaamadaha ee rasmiga ah (loolama jeedo dhaqdhaqaaq fudud) waxa laga soo qaadaa inuu la mid yahay hadalka. Buugaagta isgaadhsinta, looxyada, iyo qalab kale waxa lagu soo qaadi karaa inay la mid yihii hadlidda haddii ay leeyihiin ereyo badan oo la isku dari karo si loo sameeyo weedho aan hore loo odhan. Tusaale ahaan, tilmaamidda ereyga ama calaamadda "halkee" iyo ereyga ama calaamadda goonida u ah "koodh" waxa laga soo qaadayaa su'aal fudud. Tilmaamidda la tilmaamo kaliya calamaadda u taagan jaakit/jaako ama calamaad su'aal lagama soo qaadi karo su'aal fudud.

### Marka la weydiyo

Waxa jira dhawr su'aalood oo ah ICAP, oo ah badanaa hawlo fudud oo laga helo bilawga qayb, oo caadi ahaan la qabto kaliya iyadoo laga jawaabayo su'aal (sida *Waa uu sheegaa taariikhda dhalashada*). Marka ay jirto taasi waxa camalka lagu qiimeyn karaa *Si aad u wacan buu u qabtaa inkastoo uu macmiilku ka jawaabayo su'aal*.

### Hawshu aad bay u fududahay

Waxa dhici karta in qofku aanu imminka qaban hawl sababta oo ah aad bay ugu fududahay. Hawlaha qofka aad ugu fudud waa in marwalba lagu bixiyaa dhibicda ah *Si aad u wacan buu u qabtaa* (3). Tusaale ahaan, haddii uu macmiilku si aad u wacan uu u qabto hawsha dhar-gashiga oo buuxa oo nadiif ah, ka dib hawsha *Gacmaha iyo lugaha wuu soo saaraa marka dharka loo galinayo* waxay noqonaysaa mid qofka aad ugu fudud waana in lagu bixiyo dhibicda 3.

### Hawl leh wax ka badan hal qayb

Haddii qayb ka tirsan hawl qaybo badan si wacan loo dhameeyo, laakiin qayb kale loo qabto kaliya si aan aad u wacnayn, waa in hawsha lagu bixiyo dhibicda ah *Si aan aad u wacnayn*. Haddii ay jirto qayb hawsha ka tirsan oo uu macmiilku aanuu sameyn karin, waa in hawsha lagu qiimeeyo *Marnaba ama waa dhif*.

### Ma jirto fursad

Haddii codsaduhu aanu fursad u helin qabashada hawl ama aan loo oggalayn inuu isku dayo qabashada hawl sababta oo ah sababo ka duwan heerka farsamadiisa, tusaale ahaan haddii hawshu tahay mid ka soo horjeeda xeerarka guriga, ama haddii hawshu tahay mid "qof kale shaqo ku leeyahay," qiyaas haddii uu qofku qaban karo hawsha iyo sida uu u qaban karo wakhtigan haddii la siin lahaa fursad.

### U-sheegid ama tusid

Waxa dhici karta inay jirto hawl ICAP oo macmiilka aan waligii la weydiin inuu qabto. Hawsha oo aad qofka tustid mar iyadoo ulajeedadu tahay inaad u sharaxdid waxa aad doonaysid inuu qabto lagama soo qaadi karo tababar ama maamulid.

## Amaanka

Haddii codsaha aan loo oggalayn inuu qabto hawl sababtoo ah heerkiisa waxqabad iyo/ama fikir ayaa halis galinaya amaankiisa, waa in hawsha lagu bixiyo dhibicda ah *Marna ama waa dhif* (ama suurogal ahaan heer u dhexeeya). Tusaale ahaan, ilmaha oo gaadhi kara wareejin karana barta laga shido qalabka karinta macnaheedu ma aha inuu si madax-banaan ugu shaqeyn karo qalabka karinta.

## Maamulid

Maamulidda uu codsaduhu helo waxay noqon kartaa mid ka badan ama ka yar inta uu u baahan yahay, taasoo ku xidhan tirada maamulidda guud ee laga helo guriga ama goobta. Si kasta ha ahaatee, waa in camalka codsadaha lagu qiimeeyo awoodda uu u leeyahay inuu hawl si madax-banaan u qabto, mana aha in lagu saleeyo heerka guud ee maamulidda ama xeerarka guud ee goobta.

## Weydiinta oggalaansho

Codsadaha laguma ganaaxi karo weydiinta uu oggalaansho si haboon u weydiisto ka hor intaanu bilaabin hawl. Xiitaa haddii qofku aanu hawsha qabashadeeda bilaabin kaligii, waxa uu u soo jeestay bilaabista hawsha marka uu si haboon oggalaansho u weydiistay.

## Ogsoonaan, xiise, iyo filasho bulsho

Si uu u helo dhibic ah *Si aad u wacan buu u qabtaa*, waxa uu codsaduhu u baahan yahay awoodda uu ku qaban karo hawsha, ogsoonaanta goorta loo baahan yahay hawsha, iyo xiise uu u qabo qabashada hawsha, marka la eego filashada bulsho ee agagaarkiisa. Waxa taa tuaale fiican u ah hawshan *Wuu nadiifiya qolka jiifka*.

Ilmo yar ama qof weyn oo aad u naafeysan oo aan lahayn **awoodda** uu ku goglo sariir waxa la siin doonaa dhibicda ah *Marna ama waa dhif*, iyada oo aan la eegaynин ogsoonaanta ama xiisaha.

Qof leh awood uu si wacan wax ugu nadiifiyo, taasoo laga yaaboo inuu bartay ka dib markii la siiyay tababar badan oo talaabo talaabo ah, laakiin aan si madax-banaan u raaci karin jadwal isla markaana aan **ogsoonaan** u lahayn goorta qabashada hawsha loo baahan yahay ama haddii ay farsamadu lagama-maarmaan tahay (oo ah qof marwalba la weydiyo), waa in la siiyo dhibic ka yar *Si wacan buu u qabtaa iyada oo aan la weydiin*.

Qof weyn oo madax-banaan oo marwalba guriga ka dhiga mid si wacan u nadiif ah waa in la siiyo dhibicda ah *Si wacan buu u qabta iyada oo aan la weydiin*.

Qof weyn oo madax-banaan oo qolkiisa jiifku badanaa yahay mid aan hagaagsanayn, xiitaa marka ay saaxiibo ay aad isugu dhow yihii yimaadaan, laakiin si wacan isaga nadiifiya ka hor intaan caafimaad-daro iman ama ka hor intaan qof gaar ahi soo booqan, waxa wali lagu qiimeyn karaa *Si wacan buu u qabtaa* hawsha haddii inta jeer ee uu wax nadiifiyo aanay ka baxsanayn tirada caadiga u ah **filashada bulsho** ee ku wajahan qof weyn oo aan naafo ahay oo ku nool xaalad nololeed la mid ah.

Qof ka tirsan guriga oo awood u leh inuu si wacan u nadiifiyo qol, oo marwalba ka dhiga mid leh ugu yaraan caafimaad, laakiin si aad u wacan u nadiifiya kaliya inta jeer ee sharciga guriga qorayo, marka la eego jadwalka, ama "marka marti gaar ahi u imanayso," waxa wali lagu qiimeyn karaa *Si wacan buu u qabtaa* haddii uu marwalba ama marwalba inta badan ka soo baxo **filashada guriga** iyadoo la siiyo kaliya wax aan ka badnayn faallo ama xusuusin marmar ah.

Qof awood u leh inuu si wacan wax u nadiifiyo, laakiin aan si xor ah u raacin jadwal oo caadi ahaan ka baaqda inuu qabto hawsha xiitaa marka filashada bulshada ay si cad sidaa u rabto, sababtoo ah ogsoonaan la'aan ama **xiise** la'aan, taasoo laga yaabo inay la xidhiidho dhibaato caafimaad maskaxeed, waa in la siiyo dhibic ka yar *Si wacan buu u qabta iyada oo aan la weydiin*.

**Yaa buuxin kara ICAP?**

Waalist, macallin, ama daryeel-bixiye kasta oo si wacan u yaqaana qofka la qiimeynayo ayaa bixin kara warka loo baahan yahay si loo buuxiyo wareysiga. Iyadoo tilmaan ah, waxay qoreyaashu ku talinayaan in haddii jawaab-bixiyuhu uu la falgalay ama xidhiidh la yeeshay macmiil maalin walba ugu yaraan saddex bilood waxa imanaysa inuu si wacan codsadaha u yaqaano buuxin karana su'aalaha camalka la-qabsiga ee ICAP taasoo ku saleysan aqonta uu u leeyahay macmiilka. Jawaab-bixiyuhu waxa uu si toos ah u buuxin karaa buugga yar ee ICAP (haddii uu yaqaano tilmaamaha iyo fariimaha aasaasiga ah ee loogu talogalay buuxinta ICAP Qaybta D ee buugga ICAP), ama waxa uu warka siin karaa wareyste sida shaqaale bulsho. Muhiim ma aha sida ama qofka warka laga helay in alaale inta warka ku saabsan macmiilka iyo camalkiisu uu yahay mid imminka jira oo sax ah. Waxa lala tashan karaa dhawr jawaab-bixiyeyaal.

**Ka waran haddii jawaab-bixiyuhu uu yahay qof difaac badan ama wax qarinaya, ama haddii laba jawaab-bixiyeyaal hadalkoodu is khilaaf?**

Waxa laga yaabaa in waalid difaac badani uu yidhaahdo "Waa uu sameyn karaa, laakiin uma oggalaado." Waxa laga yaabaa in jawaab-bixiye wax qarinaya yidhaahdo "Waa uu sameyn karaa laakiin ma sameeyo...." Labada jeerba, hadafku waxa weeye in la helo oo la diiwaangaliyo war imminka jira oo sax ah. Weydii su'aalo xoogaa ah oo dheeraad ah si go'aan looga gaadho in codsaduhu uu xafiday farsamada iyo sida uu dhab ahaantii u qaban karo iyadoo uu amaan jiro haddii la siiyo fursad. Haddii ay tahay lagama-maarmaan, la tasho jawaab-bixiyeyaal dheeraad ah (waalist, macallin, qof shaqaalaha ka tirsan, ama codsadaha naftiisa) ilaa aad ku qancaysid in warka aad diiwaangalisay yahay mid muujinaya camalka dhabta ah ee codsadaha marka ay jiraan xaalado caadi ah.

**Ka waran haddii su'aal laga tago?**

Imtixaanka dhibco laguma bixin karo haddii su'aal laga tago. Su'aal kasta oo ka tirsan afarta waaxood (77 su'aalood) ee ku saabsan camalka la-qabsiga u qor hal jawaab.

**Ka waran haddii aanan ogayn sida uu macmiilku u qabto hawl gaar ah?**

Haddii aanad fursad u helin inaad aragtid codsadaha oo qabanaya hawsha, ama haddii codsadaha aanuu helin fursad ama xil-saarid uu hawsha ku qabto, weydii qof kale oo arkay, ama qiyas sida uu macmiilku u qaban karo hawsha imminka isagoon helin gargaar ama tababar dheeraad ah. Ku salee qiyastaada war ama eegmo ku saabsan sida uu macmiilku u qabto hawlo la mid ah ama u dhigma hawsha su'aasha ka taagan tahay.

**Ka waran haddii cudur ama dhaawac aan joogto ahayni uu saameeyay camalka?**

Guud ahaan, qiimee celceliska waxqabadka codsadaha oo ah intii lagu jiray bishii ugu dambaysay. Si uu u noqdo mid la isku halayn karo, waa in imtixaanku cabbiro camalka is beddelli kara marka la joogo wakhti go'an. Haddii ay suurogal tahay, dib u dhig qiimeynta ilaa macmiilka aad u jirani uu ka gaadhayo xaalad dagan.

**Ka waran macaamiisha leh cudur maskaxda ah, kuwaasoo waxqabadkoodu hadba mudo ama marmarka qaarkood is beddelo?**

Guud ahaan, qiimee celceliska waxqabadka codsadaha oo ah intii lagu jiray bishii ugu dambaysay. Si uu u noqdo mid la isku halayn karo, waa in imtixaanku cabbiro camalka is beddelli kara marka la joogo wakhti go'an. Haddii ay suurogal tahay, dib u dhig qiimeynta ilaa macmiilka aad u jirani uu ka gaadhayo xaalad dagan.

Haddii bishii hore aanay ka tarjumaynin ama ay ka duwan tahay camalka sannadka intiisa kale, sida cudurada maskaxda qaarkood oo imminka ku jira mudadii khafiifsanaanta (ama aan ku jirin), waxa markaa loo baahanayaa in xadka maamulistu uu sannadka gudihiiisa is beddelo si loogu aadiyo camalka. *Taasi waa su'aal xagga siyaasadda ah, ee ma aha su'aal qiimeynta khuseysa.* Waxa laga yaabaa in siyaasadda, u gaar ah gobol ama hay'ad kasta, ay leedahay ku-talogal ah “xaaladda ugu xun” iyo “xaaladda ugu wacan” ee ICAP, taasoo ay weheliso habab loogu talogalay maamulidda arrimaha qofka sannadka oo dhan.

**Ka waran qof faro-xumeeuya caruurta ama dab-ooge ah ama qof kale oo camalkiisa la-qabsigu sareeyo laakiin madax-banaanidiisa ay yareynayo baahidda uu u qabo maamulid joogto ah?**

Waa in camalka la-qabsiga ee codsadaha lagu qiimeeyo awoodda uu u leeyahay qabashada hawsha isagoo madax-banaan, ee ma aha in loo qiimeeyo heerka maamulidda ay dhibaataada camalkiisu lagama-maarmaan ka dhigayso. Haddii codsaduhu uu sameeyo (ama uu sameyn karo) sida *waxa uu u dhaqmaa si haboon marka uu saaxiibo la joogo goob dadweyne*, waa in dhibic lagu siiyo hawshaa xiitaa haddii ay xeerka ka soo horjeedo inuu dibadda kaligii saaxiibo u raaco. Codsadeyaashaa oo kale waxay u baahan yihii maamulid ka badan inta uu camalkooda la-qabsigu lagama-maarmaan ka dhigayo, sababtoo ah camalkooda la-qabsi-xumidda. Gobolada qaarkood waxay isticmaalaan su'aal dheeraad ku ah su'aalaha ICAP si loo go'aamiyo heerka maamulidda loogu talogalay xaaladahaa gaarka ah. Mar labaad, *taasi waa su'aal xagga siyaasadda ah, ee ma aha su'aal qiimeynta khuseysa.*